

Ao longo desta xornada, a sala de xuntas do Concello de Verín acolleu a primeira reunión do xurado para a selección do anteproxecto de construción do Centro das Artes Municipal de Verín.

Devandito xurado está conformado por un presidente (Juan Manuel Jiménez Morán, alcalde de Verín), vocais (Alfredo Díaz Grande -do Colexio Oficial de Arquitectos de Galicia -, Cecilia Rojo Ramírez -da Consellería de Educación e Ordenación Universitaria-, Francisco López Rodríguez -director xeral de Promoción e Difusión da Cultura-, Isabel Aguirre Urcola -da Consellería de Cultura e Turismo- e Vicente Carlos Martín Polvorinos -arquitecto municipal do Concello de Verín-) e o secretario (Pilar del Carmen Saborido Díaz, secretaria do Concello de Verín)-, con carácter aberto, anónimo (baixo lema) que se encadra como proxectos con intervención de xurado e con asignación de premios, regulado nos artigos 168 a 172 da Lei 30/2007, do 30 de outubro, de contratos do sector público.

Nesta reunión procedeuse á apertura a documentación presentada polos distintos participantes para ver si se axustan a normativa incluída no prego. Os criterios de valoración que aplicarán o xurado para a selección do anteproxecto son (a máxima puntuación é de ostita puntos):

- Pola calidade construtiva e arquitectónica da edificación proposta (ata 40 puntos).
- Pola calidade da implantación da edificación na parcela: a urbanización proposta no entorno do edificio (ata 15 puntos).
- Pola incorporación de sistemas, materiais e tecnoloxías para o mantemento sostible do edificio, a aplicación de criterios bioclimáticos, de ecosustibilidade e aforro enerxético no desenvolvemento do proxecto e no proceso construtivo, que faciliten tanto a execución do edificio, como o seu mantemento sostible e melloren a súa calidade técnica (ata 15 puntos).
- Polo menor custo de construción ou execución da proposta. A estes efectos se valorarán independentemente os custos do propio edificio do auditorio e o de acondicionamento exterior da parcela (ata 10 puntos).

Ao concurso de ideas para a selección do anteproxecto de construción do Centro das Artes Municipal de Verín, presentáronse un total de cincuenta e tres procedentes de diferentes puntos do territorio español. Devandito concurso de ideas, realizado mediante un convenio asinado coa Consellería de Cultura e Turismo, ten unha dotación de 230.000 euros. O mesmo recoller propostas para a construción desta nova instalación que contará cunha sala principal, cun aforo de 700 persoas, sala complementaria con capacidade para 150 espectadores, escenario, vestíbulo, camerinos, salas de ensaio, franxas de servizos, espazos para a formación musical e de danza, sala de exposicións, cafetería-restaurant, aparcadoiros e urbanización do entorno.

Os premios que se establecen para este concurso son os seguintes:

- Un primeiro premio de vinte mil euros (20.000 €). Este premio terá a consideración de un pago a conta dos honorarios a percibir pola redacción do proxecto básico e de execución do Anteproxecto de construción do Centro das Artes Municipal de Verín.
- Un segundo premio de sete mil euros (7.000 €).
- Un terceiro premio de tres mil euros (3.000 €).